



博物志卷之一



晉司空

張華茂

汝南

周



余視山海經及禹舌爾雅說文地志雖曰悉載者作略說出所不見粗言遠方陳山川位象諸國境界犬牙相入春秋之後並相侵伐其土詳其山川地澤略而言之正國十二博物之士覽而

地理略自魏氏日已前夏禹治可方而制之

河圖托地象白地南北三億三萬五

形高大者有崑崙山廣萬里高萬

一之近集也出五石雲氣

國名曰河也。其山中應于天，最居中。八十城，東南隅居其一分，是奸城也。

中國之城左濱海，右通流沙。方而言之，萬五千里。東至蓬萊，西至隴右，右跨京北，前及衡岳，堯舜土萬里，時七千里，亦

無常，隨德劣優也。

堯別九州，舜為十二。

秦前有藍田之鎮，後有胡苑之塞，左峭函，右隴蜀，西

險阻之國也。

蜀漢之土與秦同域，南跨功策，北阻褒斜，西即隈

閣，窮險極峻，獨守之國也。

周在中樞，西阻峭谷，東望荆山，南面少室，北有太

分雷風所起，四險之國也。

魏前枕黃河，背漳水，瞻王屋，望梁山，有藍田之寶，

趙東臨九州，西瞻恒嶽，有沃瀑之流，飛壺井陘之

陽，逐鹿之野。

燕却背沙漠，進臨易水，西至君都，東至於遼，長蛇帶塞，險陸

相乘也。

齊南有長城，巨防陽關之險，北有河濟，足以為固。越海而東

通于九夷，西界岱嶽，配林之險，坂固之國也。

魯前有淮水，後有岱嶽，蒙羽之向，洙泗之流，大野廣土，曲阜

尼丘。

宋北有泗水，南迄睢過，有孟諸之澤，碭山之塞也。

楚後皆方城前及衡嶽左則彭蠡右則九疑有江漢之流實險阻之國也

南越之國與楚為鄰五嶺已前至于南海負海之邦交趾之土謂之南裔

吳左洞庭右彭蠡後瀆長江南至豫章水戒險阻之國也

東越通海處南北尾閭之間三江流入南海通東治高海深

險絕之國也

衛南跨于河北得洪水南過漢上左通魯澤右指黎山

讚曰

地理廣大四海八方遐遠別域略以詳

侯王設險守固保疆遠遮川塞近備成堦

司察奸非禁禦不良勿恃危阨恣其淫荒

無德則敗有德則昌安屋猶懼乃可

進用忠良社稷永康教民以孝舜化以彰

地

天地初不足故女媧氏練五色石以補其闕斷鼈足以立四

極其後共工氏與顓頊爭帝而怒觸不周之山折天柱絕

地維故天後傾西北日月星辰就焉地不滿東南故百川

水注焉

崑崙山北地轉下三千六百里有八玄幽都方二十萬里地

下有四柱四柱廣十萬里地有三千六百軸犬牙相舉

泰山曰天孫言為天帝孫也主召人魂魄東方萬物始成

知人生命之長短。

考靈耀曰地有四遊。冬至地上。北而西。三萬里。夏至地下。南而東。三萬里。春秋二分。其中矣。地常動不止。譬如人在舟而坐。舟行而人不覺。七戎六蠻九夷八狄。形總而言之。謂之四海。言皆近海。海之言晦昏無所觀也。地以名山為輔佐。石為之骨。川為之脉。草木為之毛。土為之肉。三尺以上為糞。三尺以下為地。

山

五嶽。華。岱。恒。衡。嵩。

按北太行山而北去。不知山所限極處。亦如東海。不知所窮。盡也。

石者金之根。甲石精流以生水。水生木。木含火。

水

漢北廣遠。中國人鮮有至北海者。漢使驃騎將軍霍去病北

伐單于。至瀚海而還。有北海明矣。周日用。曰余聞北海言。蘇武牧羊之所。去年德

其通稱。一也。號北海。蘇武牧羊常在於。是。且北地。見有蘇武湖。非北溟之海。

漢使張騫渡西海。至大秦。西海之濱。有小山。崑崙。高萬仞。方八

百里。東海廣漫。未聞有渡者。

南海短狹。未及西南夷。以窮斷。今渡南海。至交趾者。不絕也。

史記封禪書云。威宣燕昭。遣人乘舟入海。有蓬萊方丈瀛州。

三神山。神人所集。欲採仙藥。蓋言先有至之者。其為獸。皆

白金銀。為宮闕。悉在渤海中。去人不遠。

四瀆。河出崑崙墟。江出岷山。濟出王屋。淮出桐柏。

八流亦出名山。渭出鳥鼠。漢出蟠冢。洛出熊耳。涇出少室。汝出燕泉。泗出陪尾。沔出月台。沃出太山。水有五色。有濁有清。汝南有黃米。華山有黑水。汴水淵或生明珠。而岸不枯。山澤通氣。以興雷雲。氣觸石膚寸而合。不崇朝以雨。江河水亦名曰泣血。道路涉骸於河以處也。

山水摠論

五嶽視三公。四瀆視諸侯。諸侯賞封內名山者。通靈助化位相亞也。故地動。臣叛。名山崩。王道訖。川竭。神去。國隨已亡。海投九仞之魚。流水涸國之大誠也。澤浮舟。川水溢。臣盛君衰。百川沸騰。山冢卒崩。高岸為谷。深谷為陵。小人握命。

博物志卷第二

外國

夷海內西北有軒轅國。在窮山之際。其不壽者八百歲。渚沃之野。鸞自舞。民食鳳卵。飲其露。

白民國。有乘黃。狀如狐。背上有角。乘之。壽二千歲。

君子國。人衣冠帶劍。使兩虎。民衣野絲。好禮讓。不爭。土千里。

多薰華之草。民多疾。風氣故人。不番息。好讓。故為君子國。

三苗國。昔唐堯以天下讓於虞。三苗之民非之。帝殺有苗之

民。叛浮入南海。為三苗國。

晉司空張華茂先撰

汝南周日用等注

驩兜國其民盡似仙人帝堯司徒驩兜民常捕海島中人面鳥口土南國萬六千里盡似仙人也

大人國其人孕二十六年生白頭其兒則長大能乘雲而不能走蓋龍類去會稽四萬六千里

厭光國民光出口中形盡似猿猴里色

結魯國有滅蒙鳥奇眩民善為扞扛以殺百禽能為飛車從風遠行湯時西風至吹其車至豫州揚破其車不以視民

十年東風至乃復作車遣返而其國去玉門關四萬里

羽民國民有翼飛不遠多赤鳥鳥民食其郊去九疑四萬二千里

穿曾國昔禹平天下會諸侯會稽之野防風氏後到殺之夏

德之盛二龍降之禹使范成光御之行域外既周而還至

南海經房風房風之神二臣以塗山之戮見禹使怒而射

之迅風雷雨二龍昇去二臣恐以刃自貫其心而死禹哀

之乃拔其刃瘞以不死之草是為穿曾民

交趾民在穿曾東

孟舒國民人首鳥身其先主為靈言民訓百禽身石之世始食

知孟舒去之風鳳隨焉

異人

河圖玉板云龍伯國人長二十丈生萬八千歲而死大秦國

人長十丈中秦國人長一丈臨洮人長三丈五尺

禹致宰臣於會稽防風氏後至戮而殺之其骨專車長狄裔

如身橫九畝。長五丈四尺。或長十丈。

秦始皇二十六年。有大人十二。見于臨洮。長五丈。足迹六尺。

東海之外。大荒之中。有大人國。僬僥氏長三丈。時含神霧。

日東北極。人長九丈。

東方有瑯蠅沃焦。防風氏長三丈。短人颯九寸。遠夷之名。雕

題。黑齒。穿鼻。僂耳。大笠。歧首。

子利國。人一手二足。奉反曲。

無啓氏。居穴食土。無男女。死埋之。其心不朽。百年還化為人。

細民。其肝不朽。百年而化為人。皆穴居處。二國同類也。

蒙雙民。昔高陽氏有同產而為夫婦。帝放之。此野相抱而死。

神鳥以不死草覆之。七年。男女皆活。同頸。二頭。四千。是蒙

雙民。

有一國亦在海中。純女無男。又說得一布衣從海浮出。其身

如中國人衣。兩袖長二丈。又得一破船隨波出。在海岸邊。

有一人項中復有面生。得與語。不相通。不食而死。其地皆

在沃沮東大海中。

南海外有鮫人。水居如魚。不廢織績。其眼能泣珠。

嘔絲之野有女子。方跪據樹而嘔絲。北海外也。

汪陵有猛人。能化為虎。俗又云虎化為人。好著紫葛。人是無

踵。

日南有野女。群行見丈夫狀。自裸袒無衣褲。

異俗。

一本見上有不字。禱作禱。

越之東有駭沐之國其長子生則解而食之謂之宜弟父死則負其母而弃之言鬼妻不可與同居周日用日既其母為鬼妻則其為鬼

子亦合弃之矣是以知蠻夷於禽獸犬豕一等矣禽獸犬豕之法猶應乃然也

楚之南有炎人之國其親戚死朽之肉而弃之然後埋其骨乃為孝也

秦之西有義渠國其親戚死聚柴積而焚之勲之即煙上謂之登遐然後為孝此上以為政下以為俗中國未足為非也

此事見墨子周日用日此事無幾佛國之法也

荆州極西南界至蜀諸民曰獠子婦人妊娠七月而產臨水生兒便置水中浮則取養之沉便弃之然千百多浮既長皆拔去上齒牙各一以為身飾

宮中病者。登日並差長安中百里。咸聞香氣。芳積九月餘日。香由不歇。帝乃厚禮發遣。餞送。

一說漢制。獻香不滿斤。西使臨去。乃發香氣。如大豆者。拭著宮門。香氣聞長安數十里。經數日乃歇。

漢武帝時。西海國有獻膠五兩者。帝以付外庭。餘膠半兩。西

使自隨後。從武帝射於甘泉宮。帝弓弦斷。從者欲更

張弦。西使乃進。乞以所送餘香膠續之。座上左右莫不恠。

西使乃以口濡膠。為以往斷弦兩頭相連注。弦遂相著。帝

乃使力士各引其一頭。終不相離。西使曰。可以射。終日不

斷。帝大恠。左右稱奇。因名曰續弦膠。

書曰。西域獻火浣布。昆吾氏獻切玉刀。火浣布。汗則燒之。

則絜刀切玉如膾布。漢世有獻者，刀則未聞。

魏文帝黃初三年，武都西都尉王襲獻石膽二十斤。四年獻

三斤。

臨邛火井一所，從廣五尺，深三三丈，井在縣南百里。昔時人

以竹木投以取火，諸葛丞相往視之，後火轉盛熱，盆蓋井

上者，得鹽入以家火，即滅訖，今不復燃也。酒泉延壽縣

南山名火泉，火出如炬。

徐公曰：西域使王暢說石流黃出足弥山，去高昌八百里，有

石流黃數十丈，從廣五六尺，有取流黃，晝視孔中，上狀

如煙而高數尺，夜視皆如燈光明，高尺餘，暢所親見之也。

言時氣不和，皆往保北山。

博物志二卷終

博物志卷第三

晉司空張華茂先撰

汝南周日用寺注

異獸

特，大死之北，胡人有獻一物，大如狗，然，聲能驚人，雞

犬聞之皆走，名曰猛獸，帝見之，恠其細小，及出死中，欲使

虎狼食之，虎見此獸，即低頭著地，帝為反觀，見虎如此，欲

謂下頭作勢，起搏殺之，而此獸見虎甚喜，抵唇搖尾，往往

虎頭上立，因搦虎面，虎乃閉目低頭，匍匐不敢動，搦鼻下

去，下去之後，虎尾下頭去，此獸履之，虎輒閉目。

後魏武帝伐冒頓，經白狼山，逢師子，使人格之，殺焉，甚衆，王

乃自率常從軍數百擊之。師子哮吼奮起。左右咸驚。王忽見一物從林中出。如狸。起上王車。師子將至此。獸便跳起。上師子頭上。即伏不敢起。於是遂殺之。得師子一。還來至洛陽。三千里。雞犬皆伏。無鳴吠。

魏武伐冒頓。經白狼山。逢獅子。使格之。見一物從竹中出。如狸。上帝車。輒上。獅子將至。便跳上獅子頭。獅子伏不敢起。遂殺之。得獅子一。還至四十里。雞犬皆無鳴吠。一事重載繁問

九守有神牛。乃生於上。黑出時共鬪。即海沸黃。或出鬪岸上。家牛皆怖。人或遮。則霹靂。號曰神牛。

昔日南貢四象。各有時旌。其一雄。死於九真。乃至南海。百有餘日。其雌塗土。著身不飲。食空草。長中間。其所以聞之。輒

流涕矣。

越嶲國有牛。稍割取肉。牛不死。經日肉生如故。

大宛國有汗血馬。天馬種。漢魏西域。時有獻者。

文馬赤鬣。身白。似若黃金。名古黃之。乘復前之。靈犬也。能飛

食虎豹。

蜀 高山上有物。如猕猴。長七尺。能人行。捷走。名曰猴。獵

一名化。或曰猴。獵。同行道。婦女有好者。輒盜之。以去。人不

得知。行者或每遇其旁。皆以長繩相引。然故不免。此得男

女氣自死。故取男也。取去為室家。其年少者。終身不得還。

十年之後。形皆類之。意亦迷惑。不復思歸。有子者。輒俱送

還其家。產子皆如人。有不食養者。其母輒死。故無敢不養。

也。及長。與人不異。皆以楊為姓。故今蜀中西界。多謂楊。率皆假獲化之子孫。時上相有獲瓜者也。小山有獸。其形如鼓。一足如彘。澤有委蛇。狀如鼈。長如棘。見

之者霸。

猩上若黃狗。人面能言。

長鳥

崑崙山有鳥。一足一翼一目。相得而飛。名曰蜃。見則吉。良乘

之壽千歲。

比翼鳥。一青一赤。在參隅山。

有鳥如鳥。又音白。喙赤。足曰精衛。故精衛常取西山之木石

以填東海。

于宝搜神記
載此條

息字疑是宜字
酉陽雜俎云昔之區
洪水食都材皮餓
天化此物居材
根方為豬猪居材
中者為人却居材
尾方為鳥却居材
別皆鳥印鳥却居材
疑即廣東新語
所載飛頭瘿也
緇入異更或別種

越地深山有鳥如鳩。青色。名曰治鳥。穿大樹作巢。如升器。其
戶口徑數寸。周飾以土。壘亦白。相次狀如射侯。伐木見此
樹。即避之去。或夜冥。人不見鳥。鳥亦知人。不見已也。鳴曰
咄咄去。明日便息。急上樹去。咄咄下。去。明日便宜。急下。若
使去。但言笑而已。者可止伐也。若有穢要及犯其止者。
則虎通夕來守。人不知者。即害人。此鳥白。日見其形。鳥也。
夜聽其鳴。人也。時觀樂。便作人悲喜。形長三尺。間中取石
蟹。就人火間炙之。不可犯也。越人謂此鳥為越祝之祖。

異蟲

南方有落頭蟲。其頭能飛。其種人常有所祭祀。落頭蟲落。故
因取之焉。以其飛。因服便去。以耳為翼。將曉。還復著。体冥

南海郡... 有瘡... 狀如病... 史... 有... 睡... 考...

率往蛟名

此即水母... 海... 水母... 鮮... 好...

時往往得此人也

江南山谿中水射上蟲田類也長一二寸口中有弩形氣射

人影隨所著處發瘡不治則殺人今鴨... 亦隨

所著處生瘡... 亦隨... 亦隨

鳥... 亦隨... 亦隨

蝮蛇秋月毒盛無所折... 啣草木以泄其氣草木即死人樵

採設為草木所傷刺者亦殺人毒治於螫... 謂之蛇迹也

華山有蛇名肥遺六足四翼見則天下大旱

常山之蛇名率然有兩頭觸其一頭頭至觸其中則兩頭俱

至孫武以喻善用兵者

異魚

南海有鱈魚狀似鼉斬其頭而乾之去首而更生如此者三

乃止

東海中有半體魚其形狀如牛剥其皮懸之潮水至則毛起

潮去則毛伏

東海蛟錯魚生子上驚還入母腸尋復出

吳三江行食鱸有餘棄於中流化為魚今魚中有名吳王鱸

餘者長數寸大者如筋猶有鱸形

廣陵陳登食膾作病華他下之膾頭皆成虫尾猶是膾

東海有物狀如凝血從廣數尺方員名曰鮐魚无頭目處所

内无藏衆蝦附之隨其東西人煮食之

異草木

太原晉陽以化生屏風草

海上有草焉名蒞其實食之如大麥七月稔熟名曰自然谷

或曰禹餘糧蒞音師

堯時有屈佚草生於庭倭人入朝則屈而指之一名指倭草

右詹山帝女化為詹草其葉鬱茂其華黃實如豆服者媚於

人

止些山多竹長千仞鳳食其葉去九疑方八千里

江南諸山郡中大樹斷倒者經春夏生菌謂之榘食之有味

而忽毒殺人云此物往土自有毒者或云蛇所著之楓樹

生者啖之令人笑不得止治之飲土漿即愈

博物志卷第三

博物志卷第四

晉司空張華茂先撰

汝南周日用等注

物性

九竅者胎化八竅者卵生龜鼈皆此類咸卵生影伏

白鷁雄雌相視則孕或曰雄鳴上風則雌孕

兔舐毫望月而孕口中吐子舊有此說余司所見也

大腰無雄龜鼈類也無雄與蛇通氣則孕細腰無雌蜂類也

取桑蚕則阜蚕子呪而成子詩云螟蛉之子蜂屬負之是也

蚕二化先孕而後交不育者亦產子子後為蠶皆無眉目易

傷收採亦薄

司字疑目字誤然今无
俱雌雄交媾而孕亦淫尾下
生不見有孕月口吐一事
則字疑或字誤

子後乃下一字者查亦存
大約言蚕三眠之後化為蛹
响吐為蛾交生子明歲若
后養蓄盛若不交下則生子則

鳥雌雄不可別。翼右掩左。雄左掩右。雌二足而翼謂之禽。四足而毛謂之獸。

鵲巢門戶背太歲。得非才智也。

鵲。雉長毛。雨雪惜其尾。栖高樹。不敢下食。往往餓死。時魏

景初中天下所說

鵲。水鳥也。伏卵時。卵冷則不沸。取礬石用繞卵。以時助燥氣。

故方術家以鵲巢中礬石。

句似未了

山雞有美毛。自愛其色。終日映水。目眩則溺死。

龜三千歲。旋於卷耳之上。

屠龜解其肌肉。唯腸連其頭。而經日不死。猶能齧物。鳥往食

之。則為所得。漁者或以張鳥。神蛇復續。

千歲色單于蓮葉与此同

蝮螭以背行。快於足用。

周官云。貉不渡汶水。鸛不渡濟水。魯國无鸛。來巢記異也。

橘渡江北。化為枳。今之江東。甚有枳橘。

百足。一名馬蚊。中斷成兩段。各行而去。

物理

凡月暈。隨灰畫之。隨所畫而闕。惟南子云。未詳其法。

麒麟鬪而日蝕。鯨魚死。則彗星出。嬰兒號。婦乳出。

莊子云。地三年種蜀黍。其後七年多蛇。

積艾草。二年後燒。津液下流。成鉛錫。已試有驗。

煎麻油。水氣盡。無煙。不復沸。則還冷。可內手攪之。得水。則焰

起。散卒不滅。此亦試之有驗。

庭州瀟水以金銀鐵器盛之皆漏唯瓠葉則不漏
龍肉以醢漬之則文章生

積油滿萬石則自然生火武帝泰始中武庫火積油所致

物類

燒鉛錫成胡粉猶類也

燒丹朱成水銀則不類物同類異用者

兩行併書

石 魏文帝所記諸物相似亂者

武夫恠石似美玉

武夫作 碓

杜衡亂細辛

蒼危亂人參

雄黃似石流黃

敵休亂門冬

鱖魚相亂以有大小相異

百部似門冬

房葵似狼毒

鉤吻草與葶藶相似

按揆與葶藶相似一名狗脊

藥物

烏頭天雄附子一物春秋冬夏採各異也

遠志苗曰小草根曰遠志

芎藭苗曰江離根曰芎藭

菊有二種苗花如一唯味小異苦者不中食

野葛食之殺人家葛種之三年不收後旅生亦不可食

神仙傳云松栢脂入地千年化為茯苓茯苓化為琥珀琥珀

一名江珠今泰山出茯苓而無琥珀益州永昌出琥珀而

無茯苓或云燒蜂窠所作未詳此二說

地黃藍首。斷心分根。菜種皆生。女蘿寄生。兔絲。兔絲寄生。不
上。生根不著地。

葶花朝生夕死。

藥論

神農經曰。上藥養命。謂五石之練形。六芝之延年也。中藥養
性。合歡蠲忿。萱草忘憂。下藥治病。謂大黃除實。當歸止痛。
夫命之所以延。性之所以利。痛之所以止。當其藥。應以痛
也。俾其藥。失其應。即然。天尤人。設鬼神矣。

神農經曰。藥物有大毒。不可入口。鼻耳目者。即殺人。一曰鈎

吻。盧氏曰。陰也。黃精不
如。雄雞。生山中。山三日
曰。內童。狀如。雞。亦生海
中。亦曰。螭。生海中。雄
曰。蟠。蟠曰。蟠。蟠也。

神農經曰。藥種有五物。一曰狼毒。占斯解之。一曰巴豆。薑黃汁

解之。三曰黎盧。湯解之。四曰天雄。烏頭。大豆解之。五曰班
茅。我鹽解之。毒采害小。兒乳汁解。先食飲二升。

食忌

人啖豆三年。則身重。行止難。

啖榆。則眠不欲覓。

啖麥。穰令人力健。行

飲真茶。令人少眠。

人常食小豆。令人肥。肌骨焦燥。

食鷺麥。令人骨節斷解。

人食鷺肉。不可入水。為蛟龍所吞。

偉字違字之誤

人食之。葵為狗所齧。瘡不差。或致死。
馬食谷則足重不能行。
鴈食粟則翼重不能飛。

藥術

胡粉白石灰等以水和之。塗鬢鬚不白。塗訖著油單裏令溫。
煙條欲燥未燥間洗之。湯則不得著。晚則多折。用暖湯洗。
許澤塗之。欲染當熟洗。鬢鬚有膩不著。藥臨染時亦當拭。
髮燥溫之。

陳葵子微火炒令爆。呢散著熟地。遍蹋之。朝種暮生。遠不過

經宿耳。

陳葵子。種覆葉。冬經冬不死。春有子。

也。周日用日馬。馬鬣。地指生。柔蘭。擗石。

流黃篩於其上。以盆覆之。即時可待。色皆以沃其根。以紫草汁則變之紫。此出爾雅。

燒馬蹄羊角成灰。春夏散著濕地。生羅勒。

蟹溼相合。成為神仙藥。服食方云。

戲術

削木令圓。奉以向日。以艾於後。成其影。則得火。

取火法。如用珠取火。多有說者。此未試。

神農本草云。雞卵可作琥珀。其法取伏卵。取黃白。渾雜者煮。

及尚軟。隨意刻作物。以苦酒漬數宿。既取。內著粉中。佳者。

乃亂真矣。此世所怕用。作無不成者。

燒白石。作白灰。既訖。積著地。經日。都冷。遇雨。及水澆。即更燃。

石匠徑水俱能沸。不呈奇。

煙焰起

五月五日埋蜻蜓頭於西向戶下埋至三日不食則化成青
真珠又云埋於正中門

蜥蜴或名蜺蜺以器養之以朱砂體素赤所食滿七斤治搏

萬杵點女人支体終年不滅唯房室事則滅故號守官傳

云東方朔語漢武帝試之有驗

取鼈控令如碁子大擣赤莧汁和合厚以茅苞五六日中作

投地中經旬齋齋盡成鼈也

博物志卷第四

博物志卷第五

正日司空張華茂先撰
汝南周日用等注

方士

魏武帝好養性法亦解方藥招引四方之術士如左元放華

佗之徒無不畢至周日用曰曹雖好奇而心道異如何招

若非變化已至滅身致有通者
不合親之矣既要識術即可乎

魏王所集方士名

上黨王真

隴西封君達

其陵其始

魯女生

譙國華佗字元化

東鄭延年

唐雲

冷壽光

河南卜式

張韶

蕭子訓

汝南曹長房

鮮奴辜

魏國軍吏河南趙聖卿

陽城却儉字孟節

廬江左慈字元放

右十六人。魏文帝東阿王仲長統所說皆能斷穀不食分形隱沒出入不由門戶。左慈能變形幻人視聽厭刻鬼魅皆此類也。周禮所謂恠民。王制稱挾左道者也。

魏時方士其陵生始

廬江有左慈。陽城有却儉。始能行氣道引。慈曉房中之術。善辟穀不食。悉號二百歲人。凡如此之徒。武帝皆集之於魏。

不使遊散。其始孝而少容。曹子建密問其所行。始言本師姓韓。字世雄。嘗與師於南海作金投數万斤於海。又取鯉魚一双。鯉游行沉浮。有若颶淵。其無藥者已熟而食。言此藥去此踰遠万里。已不可行。不能得也。

皇甫隆遇青牛道士。姓封。名君達。其餘養性法。即可效用。大略云。體欲。嘗少勞。無過虛。食去肥濃。節酸鹹。減思慮。損喜怒。除馳逐。慎房室。施瀉。秋冬閉藏。詳別篇。武帝行之有效。文帝典論曰。陳思王曹植辯道論云。世有吾王。悉招至之。其陵有其始。廬江有左慈。陽城有却儉。始能行氣。儉善辟穀。悉號二百歲人。自王與太子及余之兄弟。咸以為調笑。不全信之。然嘗試却儉。翻百日。猶與寢處。行步起居。自若也。

夫人不食七日則死。而儉乃能如是。左慈修房中之術。善可以終命。然非有至情。莫能行也。其始老而少容。自諸術士咸共歸之。王使郗孟節主領諸人。

近魏明帝時。河東有焦生者。裸而不衣。庭火不焦。入水不凍。

杜恕為太守。親所呼見。皆有實事。周日用曰。焦孝然。迹河

為死而視之。蒸氣於。堅略死。亦變色。時或折薪。惠人而已。按魏書云。目義皇以來。一人而已。

穎川陳元方。韓元長。時之通才者。所以並信有仙者。其父時

所傳聞。河南密縣有成公。其人出行。不知所至。復來還。語

其家云。我得仙。因與家人辭訣而去。其步漸高。良久乃沒

而不見。至今密縣傳其仙去。二君以信有仙。蓋由此也。明

用曰。豈惟三子乎。

栢譚新論說。方士有董仲君。罪繫獄。拜死。其首陷出。既而復生。

黃帝問天老曰。天地所生。豈有食之令人不死者乎。天老曰。

太陽之草。名曰黃精。餌而食之。可以長生。太陰之草。名曰

鈎吻。不可食。入口立死。人信鈎吻之殺人。不信黃精之益

壽。不亦惑乎。周日用曰。草既殺人。仍无益壽者。也。若殺人。尤驗。則益壽。不可信矣。

服食

左元放荒年法。擇大豆。麤細調勻。必生熟。按之令有光煙氣。

徹豆心內。先不食一日。以冷水頓服。訖。其魚肉菜果。不得

復經口。渴即飲水。慎不可煖飲。初小困。十數日後。體力壯

健。不復思食。

鮫法。服三升。為劑。亦當隨入先食多少。增損之。盛豐欲還者。

煮葵子及脂蘇服肉羹漸工飲之須立下乃可食豆未盡
而以膏物腸塞則殺人矣此未試或可以然周日用日

解多食令其即飲之以意量多少即
食之如常渴即飲冷水忌熱茶耳

孔子家語曰食水者乃耐寒而善浮食土者無心不息食木
者多而不治食石者肥澤而不老食草者善走而愚食桑
者有緒而蛾食肉者勇而悍食氣者神明而壽食穀者智
慧而天不食者不死而神仙傳曰雖食者百病妖邪之所

鍾焉

西或有蒲萄酒積年不敗彼俗云可十年飲之醉亦月乃解
所食逾少心開逾益所食逾多心逾塞年逾損焉

辨方士

漢淮南王謀反被誅亦云得道輕舉周日用曰漢書云淮南

王亦虛事也至今淮揚境內馬迹猶存且曰與茂公同知
皆上品真人耳既談道德肯圖叛逆之事况恒行陰曰好
書故不若苦代淮南內書言神仙黃白之術去反事遠矣
夫古今書傳多黜仙道者慮帝王公侯發萬機而慕其道
故急而不書言若老耻不可掩而云二白歲後西遊流火不
知所之唐書言云蜀有女道二端白然白日上昇此外歷代
史籍未
嘗言也

鈎文夫人被殺於雲陽而言尸解周曰史云夫人

尸解亦不云
尸解概空

文典論云議郎李暹學都儉辟穀服茯苓飲水中不寒渴刺
殆至殞命軍祭酒弘農董芬卒却始鵠視狼頭呼吸吐納
為之過差氣閉不通良久乃蘇寺人嚴峻就左慈幸補道
之術關堅真無事於斯而承聲若此

又云王仲統云其始左元放東郭延年行容成御婦人法
爲丞相所錄間行其術亦得其驗降就道士刘景受于云母
九子元方年三百歲莫之所在武帝怕御此藥亦云有驗
刘德治淮南王獄得枕中鴻宝秘書及子向咸而奇之信
黃白之術可成謂神仙之道可致卒亦無驗乃以罹罪也
周日用日神仙之道冬之匪一朝一久而可得黃白者
也仍須有分昇騰者應須有骨安可偶然而得効也
刘根不覺飢渴或謂能忍盈虛王仲都當盛夏之月十爐火
灸之不熱當嚴冬之時裸之而不寒怕山君以爲性耐寒
暑怕山以無仙道好奇者爲之前者已述焉
司馬迁云無堯以天下讓許由事楊雄亦云誇大者爲之楊
雄又云無仙道桓譚亦同
博物志卷之五

博物志卷第六

晉司空張華茂先撰

汝南周處等注

人名放

昔彼高陽是生伯鯨布土取帝之息壤以填洪水

殷三仁微子箕子比干

文王四友南宮括散宜生閔大太顛仲尼四友顏淵子貢子

路子張

曹叡字敬伯

蔡伯喈母袁公妹曜鄉姑也

上之善射者其蠅蠅之第也

平居得輅善小筮解鳥語

蔡邕有書萬卷漢末并載數車與王粲粲亡後相國掾魏諷

謀反蔡子與焉既被誅邕所與粲書悉入蔡族子葉字長

緒即正宗父正宗即輔嗣兄也初粲與族兄凱避地荊州

依刘表表有女表愛粲才欲以妻之嫌其形陋周率乃謂

曰君子過人而體浮躡非女聲才凱有風貌乃妻凱生葉

即女所生

太丘長陳寔寔子鴻臚卿紀紀子司空群群子泰西世於漢

魏今朝有重名而其德漸小減故時人為其語曰公慙卿

卿慙長

文籍攷

聖人制作曰經賢者著述曰傳鄭玄注毛詩曰箋不解此意

或云毛公嘗為北海郡守玄是此郡人故以為敬

何休注公羊傳云何氏學又不能解者或答云休謙詞受學

於師乃宣此義不出於已此言為允

太古書今見存有神農經山海經或云禹所作周易蔡邕云

禮記月令周公作周日用日禮記疏云第一是呂不韋春

謚法司馬法周公所作司馬法今不傳各徑何經引皆對商不韋信也至武經

余友下邳陳德龍謂余言曰靈光殿賦傳為且城王子山所

作子山嘗之泰山從鮑子宣學筭過魯國而觀殿賦之還

地理攷

康成稱箋可見古人教地方官長

何休稱字可見古人尊師

周公所作謚法今在逸周書

載以齊人續道而作焉曰神武先禮司馬法也

其七

周自后稷至于文武皆都關中號為宗周秦為阿房殿在長安西南二十里殿東西千步南北三百步上可以坐萬人庭中受十萬人二世為趙高所殺於宜春宮在杜城南三里葬於旁

周時德澤盛蒿大以為宮柱名曰蒿宮此周昭王中宮也

姜厚嗣祠在墉城長安西南三十里

盜跖冢在大陽縣西

趙鞅冢在臨水縣界

始皇陵在驪山之北高數十丈周迴六七里今在陰盤縣界

北陵雖高大不足以銷六丈水背陵鄣使東西流又此山

名運取大石於渭北者故歌曰運石其泉口渭水為不流

有誤

千人唱萬人鈞金陵餘石大如堰土屋其銷功力皆如此

類盧氏曰秦氏奢後自知葬用珍室多故高作陵隱山者未詳其至指否漢

舊洛陽字作水邊各火行也忌水故去水而加佳又魏於行

次為土水得土而流土得水而柔故復佳加水變雒為洛焉

洞庭君山帝之二女居之曰湘夫人又荊州圖經曰湘君所

遊故曰君山

南荆賦江陵有臺甚大而有一柱象木皆拱之

典禮改

三讓一曰讓禮二曰固讓三曰終讓

讓禮當是禮讓見儀禮

漢丞群臣上書皆曰昧死言

可為三以天下讓
注○讓禮宜作
レ集

漢文感經學
言而古肉刑此千
古仁的也不後也

王莽盜仿慕古法。昧死曰。昔先武因而不改。稽首本周和

肉刑。明王之制。荀卿每論之。漢文帝感太倉公女之言而

廢之。班固著論。宜復。迄漢末魏初。陳紀又論。宜申古制。孔

融云。不可復。欲申之。鍾繇王朗不同。遂寢。夏侯玄李勝曹

爽。下謚。建私議。各有彼此。多去時未可復。故遂寢焉。

上公備物九錫。一大輅。各一玄牡。二駟。二裘冕之服。赤舄副

之。三軒懸之樂。六佾之舞。四朱戶。以居。五納陛。以登。六虎

賁之士三百人。七鈇鉞各一。八彤弓一。彤矢百。莚弓十。莚

矢千。九桓。曾一。卣。珪。瓚。副之。

樂攷

漢末喪亂。無盆石之樂。魏武帝全漢中。得杜夔。夔舊法。始復設

軒懸。鍾磬。至於今用之。於夔也。未向有缺字。盆石二字。原考

服飾攷

漢末喪亂。絕無玉佩。始復作之。今之玉佩。受於王粲。

古者男子皆絲衣。有故。乃素服。又有冠無幘。故雖凶事。皆著

冠也

漢中興。士人皆冠葛巾。建安中。兩行接焉。

魏武帝造白帽。於是遂廢。唯二學書生。猶著也。

器名攷

寶劍。各鈍鉤。湛盧。豪曹。魚腸。巨闕。五劍。皆歐冶子所作。龍泉

太阿。上市三劍。皆楚王者。有脫字。

屈胡子。因吳請干將。歐冶子作干將。陽龍文。莫邪。陰漫理。此

二劍。吳王使千將作莫邪。千將妻也。作劍也。夫妻共喜
赤刀。周之寶器也。

物名攷

古駿馬。有飛兔。腰裏。

周穆王八駿。赤驥。飛黃。白蟻。華騮。騄耳。

騮。黃。盜驪。

唐公有驪驪。見左傳

項羽有騮。周日用曰曹公。公有流影而曰。陰下款云。力拔山兮。功蓋世。時不利兮。騮不折。項羽括山款。

周穆王有大名。耗毛白。騮。不折。騮。古馬名。如。項羽。利。不。折。騮。古。馬。名。如。項。羽。

晉靈公有畜狗名。葵。見左傳。公噬夫。葵。馬。

韓國有黑犬名。盧。

宋有駿犬曰。龍。

犬四尺為。葵。見名雅

張騫使西域還。乃得胡桃種。

徐州人謂塵土為。蓬塊。吳人謂跛。跌。

博物志卷之七

異聞

昔夏禹觀河見長人魚身。出曰吾河精豈河伯也。

馮夷華陰潼鄉人也得仙道化為河伯豈道同哉仙夷乘龍

虎水神乘魚龍其行恍惚萬里如室

夏桀之時為長夜宮於涇谷之中男女雜處十旬不出聽政

天乃大風揚沙一夕填此宮谷又云石室瑤臺闕龍逢諫

桀言曰吾之有民如天之有日日亡我則亡以為龍逢妖

言而殺之其後山復於谷下及在上者老相與諫桀又以

晉司空張華茂先撰
汝南周日用等注

馮夷屢身於河
少陵訪馮夷擊
彭厚筆於趙

為妖言而殺之

夏桀之時。費昌之河上見。二日在東者爛爛將起。在西者沉

沉將滅。若疾雷之聲。昌問於馮夷曰。何者為殷。何者為夏。

馮夷曰。西夏東殷。於是費昌徙疾歸殷。

武王伐紂。至盟津。渡河。大風波。武王操戈秉麾。麾之風波霽。

魯陽公與韓戰。酣而日暮。援戈麾之。日反三舍。

太公為灌壇公。武王夢無一人當道。夜哭。問之曰。吾是東海神

女。嫁於西海神童。今灌壇公當道。廢我行。我行必有大風

雨。而太公有德。吾不敢。以暴風雨過。是毀君德。武王明日

召太公。三日三夜果有疾風暴雨。從太公邑外過。

晉文公出大蛇當道如坵。文公反修德。使吏守蛇。吏夢天殺

蛇曰。何故當聖君道。竟而視蛇則自死也。

齊景公伐宋。過泰山。夢一人怒。公謂太公之神。晏子謂宋祖

湯與伊尹也。為言其狀。湯折脊多髮。伊尹黑而短。即所夢

也。景公進軍不聽。軍鼓毀。公怒。散軍伐宋。

徐偃王志云。徐君宮人娠而生卵。以為不祥。弃之水濱。獨孤

母有犬。名鵠。蒼獵於水濱。得所弃卵。嚼以東歸。獨孤母以

為異。覆煖之。遂蠕成兒。生時正偃。故以為名。徐君宮中聞

之。乃更錄取。長而仁智。襲君徐國。後鵠食。臨死生角。而九

尾。實黃龍也。偃王又葬之徐界中。今見狗襲偃王。既其國

仁義著。聞欲舟行上國。乃通溝陳蔡之間。得朱弓矢。以已

得天瑞。遂因名為弓。自稱徐偃王。江淮諸侯皆伏從。伏從

陽侯波起

軻字亦查

者三十六國周王聞遣使乘駟一日至楚使伐之偃王仁不忍聞言其民為楚所敗逃走彭城武原縣東山下百姓隨之者以萬數後遂名其山為徐山山上立石室有神靈

民人祈禱今皆見存書稱徐戎今徐州是也

海水西夸父與日相逐走渴飲水河謂不足北飲大澤未至

渴而死棄其策杖化為登林

澹臺子羽渡河齎千金之璧于河上伯欲之至陽侯波起兩

蛟挾船于羽左岸壁右操劍擊蛟皆死既渡三投璧于河

伯河伯躍而歸之子羽殺而去陽侯波神也

荆軻字次非渡鮫夾船次非不奏斷其頭而風波靜除周曰

余嘗行經荆將軍墓之與幸角哀冢相鄰若安伯施云為荆將軍所伐乃在此也其地在荊陵之源求見其墓碑將軍

名乃作次飛字也

東阿王勇士有菴丘訢過神淵使飲焉有誤竟朝服拔劍二

日一夜殺二蛟一龍而出雷隨擊之有誤古夜眇其左目

漢滕公薨求葬東都門外公鄉送喪駟馬不行跼地悲鳴跑

蹄下地得石有銘曰佳城鬱鬱三千年見白日吁嗟滕公

居此室遂葬焉

衛靈公葬得石槨銘曰不逢箕子靈公奪我里一云不馮其子靈公奪而葬之見任子

漢西都時南宮漫殿內有醇儒士史威長死葬銘曰明明哲

士知存知士崇隴原膺非寧非康不封不樹作靈業光厥

銘何依王史威長

元始元年中請蒼沛郡史參上書訟王宏奪蒼督靈綴之功

晉履身相早情
考考字晉
古字音似

靈帝和光元年。遼西太守黃鞠上言。海邊有流屍露屍。絲衣體貌完全。使翻感夢云。我伯夷之氣。孤竹君也。海水壞吾棺槨。求見掩藏。民有襁褓。視皆無疾而卒。史記周人立其仲子想易此屍漢末關中大亂。有發前漢時冢者。人猶活。既出。平復如舊。魏郭后愛念之。錄著宮內。常置左右。問漢時官中事。說之了。皆有次序。后崩。哭泣過禮。遂死焉。

漢末發范友明冢。奴猶活。友明霍光女輩。說光家事。廢少之際。多與漢書相似。此奴常游走於民間。無止住。更公不知所在。或云尚在。余聞之。於人可信。而目不可見也。

大司馬曹休所統中郎謝璋部曲。義兵。義勇。息女年四歲。病疫。故埋葬。五日復生。大和二年。詔令休及父母同時送女。

來視其年。四月三日病死。四日埋葬。至八日。同墟人採桑。聞兒生活。今能飲食如常。

京兆都張潛。客居遼東。還後為駙馬都尉。閔內侯。表言故為諸生。太學時聞故太尉常山張顯為梁相。天新雨後。有鳥如山。離飛翔近地。市人擲之。稍下墜。民爭取之。即為一負石。言縣府顯令搥破之。得一金印。文曰忠孝侯印。顯表上之。藏於官庫。後議郎汝南樊行夷校書東觀表上言。堯舜之時。舊有此官。今天降印。宜可復置。

孝武建元四年。天雨粟。孝元景寧元年。南陽陽郡雨穀。小者如黍粟。而青黑味苦。大者如大豆。赤黃味如麥。下三日。生根葉。狀如大豆初生時也。

代城始築。立板幹。一旦亡西南四五十板。於澤中自立。結草為外門。因就營築焉。故其城直周三十七里。為九門。故城廐為東城。

博物志卷之八

博物志卷之八

晉司空張華茂先撰
汝南周日用等註

史補

黃帝登仙。其臣左徹者。削木象黃帝。帥諸侯以朝之。七年不還。左徹乃立顯壇。左徹亦仙去也。

堯之二女。舜之二妃。曰湘夫人。密朋。一妃啼以涕揮竹。竹盡班。處士東鬼塊。青禹亂天下事。禹退作二章。彊者攻。弱者守。敵戰城郵。蓋禹始也。

大妙夢見商之庭產棘。乃小子發取。周庭梓樹。樹之于闕閭。梓化為松栢。柝覺驚。以告文王。文王曰。慎勿言。夏日之

二妃娥皇曰湘君
女英曰湘夫人
尚有
三妃曰琴比肩檀
多妃者。淫也。河
此條見後周
書

陽。夏。日。之。餘。不。召。而。萬。物。自。來。天。道。尚。左。日。月。西。移。地。道。尚。右。水。潦。東。流。天。不。身。於。殷。自。發。之。一。生。于。今。十。年。禹。羊。在。牧。水。潦。東。流。天。下。飛。鴻。滿。野。日。之。出。地。無。移。照。乎。武。王。伐。殷。舍。於。幾。逢。大。雨。焉。衰。輿。三。百。乘。甲。三。千。一。日。一。夜。行。三。百。里。以。戰。于。牧。野。幾。疑。作。幾。衰。疑。作。革。此。條。見。呂。氏。春。秋。武。王。與。勝。高。言。戰。期。而。謂。不。行。甲。子。之。期。也。成。王。冠。周。公。使。祝。雍。曰。辭。達。而。勿。多。也。祝。雍。曰。近。於。民。遠。於。侯。近。於。義。普。於。時。惠。於。財。任。賢。使。能。陛。下。擢。顯。先。帝。光。耀。以。奉。皇。天。之。嘉。祿。欽。順。仲。書。之。言。曰。遵。並。大。道。郊。域。康。阜。萬。國。之。休。靈。始。明。元。服。推。遠。童。稚。之。幼。志。弘。積。文。武。之。就。德。肅。勤。高。祖。之。清。廟。六。合。之。內。靡。不。蒙。德。歲。歲。與。天。無。極。右。孝。昭。用。成。王。冠。辭。

止雨祝曰天生五穀以養人民今天雨不止用傷五穀如何如何靈而不幸殺牲以賽神靈雨則不止鳴鼓攻之朱綠繩縈而脅之。朱綠脅。見。勸。學。傳。

請雨曰皇上上天照臨下土集地之靈神降甘雨庶物群生咸得其所

禮記曰孔子少孤不知其父墓母亡問於鄒曼父之母乃合葬於防上墓崩門人後至孔子問來何逢門人實對孔子不應如是者三乃潛然流涕而止曰古不脩墓將濟何晏夏侯玄王肅皆云無此事注記者謬時賢咸從之周。曰。四。上。言。无。者。後。有。何。理。而。述。之。在。愚。所。見。實。未。之。有。矣。且。徵。在。與。梁。統。野。合。而。生。事。多。隱。之。况。我。立。生。而。父。已。死。既。隱。何。以。知。之。此。問。曼。父。之。母。安。得。合。於。防。也。

周日用誤于史記
野合晦之字大為
事後

事載檀弓

陽天有帶
子天向環則九年
子括東西大而不中夫
氣人見、賞大漸
高則勞、年夫而小
也至東西位而中執
則日影旁照與
上直下、年耳到子
以乃孔子不解決、任
聖實甚

孔子東遊見一小兒辯關問其故。一小兒曰：我以日始出時去人近，而日中時遠也。一小兒曰：以日出而遠，而日中時近。一小兒曰：日初出時大如車蓋，及日中時如盤盂，此不為遠者小而大者近乎？一小兒曰：日初出滄涼，及其其中而探湯，此不為近者熱而遠者涼乎？孔子不能決。兩小兒曰：孰謂汝多知乎？亦出列子。周日用曰：且當中向氣直上而與旁暑其炎，陳可悉耳，足明初出近而當中遠矣。豈聖人青對乎？

子路與子貢過鄭神社，社樹有烏，神牽率子路子貢說之乃止。春秋哀公十有四年春，西狩獲麟。公羊傳曰：有以告者，孔子曰：孰為來哉？助謂來哉。盧曰：以其時非應，故孔子泣而感之。麟曰：生三策，蓋天使報聖人。

左傳曰：叔孫氏之車子鉏商獲麟，以為不祥。

詹何撈簡
秦青御晉
行雲

燕太子丹曾於秦，秦王遇之無禮，不得意思，欲歸請於秦王。王不聽，謬言曰：今烏頭白，馬生角，乃可。丹仰而歎，烏即頭白，俯而嗟，馬生角。秦王不得已而遣之。為機發之，橋欲陷。丹驅馳過之，而橋不發。道至關，關門不開。丹為雞鳴於

是眾雞悉鳴，遂歸。鷄鳴度關，孟嘗君之智耳。詹何以獨繭絲為綸，芒斜為鈎，荆篲為竿，割粒為餌，引及車之魚，於百仞之淵，汨流之中，綸不絕，鈎不申，竿不撓。

薛譚學謳於秦，青未窮青之旨。於一日遂辭歸，秦青乃餞於郊衢，撫節悲歌，聲震林木，響遏行云。薛譚乃謝求返，終身不敢言歸。秦青顧謂其友曰：昔韓娥東之齊，遺糧過雍門，鬻歌假食而去，餘響遂梁三日不絕。左右以其人弗去，過

中餘響

逆旅。凡人辱之。韓娥因曼聲哀哭。一里老幼。喜歡杯舞。弗能自禁。乃厚賂而遣之。故雍門人。至今善歌哭。效娥之遺聲也。

趙襄子率徒十萬。狩於中山。藉芳燒燧。氣赫百里。有人從石壁中出。墮煙上下。若無所之。經涉者。襄子以為物。徐察之。乃人也。問其奚道而處石。奚道而入火。其人曰。奚物為火。其人曰。不知也。魏文侯聞之。問於子夏。曰。彼何人哉。子夏曰。以商所聞於夫子。和者同於物。物無得而傷。閱者遊金石之間。及蹈於水火。皆可也。文侯曰。吾子奚不為之。子夏曰。剗心知。智固未能也。雖試語之。而即暇矣。文侯曰。夫子奚不為之。子夏曰。夫子能而不為之。侯不悅。

更羸去昔下鳥

更羸謂魏王曰。臣能射為虛發而下鳥。王曰。然可於此乎。曰。

問有鳥從東來。羸虛發而下之也。

澹臺子羽子。溺水死。欲葬之。滅明曰。此命也。與螻蟻何親。與魚鼈何讎。遂使葬。葬字疑有小字

列傳云。聶政刺韓相。白虹為之貫日。要離刺慶忌。彗星襲月。專諸刺吳王僚。鷹擊殿上。

齊桓公出。因與管仲故道。自燉煌。至沙漠。流沙。往外國。沙石千餘里。中無水。時則有沃流。處人皆不能知。皆乘駱駝。駱駝知水脉。遇其處。輒停不肯行。以足踏地。人於其蹄處。掘之。輒得水。

楚熊渠子夜行。射第石。以為伏虎。矢為沒羽。漢李廣子同

駱駝知水脉
與伐木於
蟻封之小一
類

漢武帝好仙道。祭祀名山大澤。以求神仙之道。時西王母遣使乘白鹿告帝當來。乃供帳九華殿以待之。七月七日夜漏七刻。王母乘紫雲車而至。於殿西南面東向。頭上戴七種青氣鬱鬱如雲。有三青鳥如烏大。使侍母旁。時設九微燈。帝東面西向。王母索七桃。大如彈丸。以五枚與帝。母食二枚。帝食桃。輒以核著膝前。母曰。取此核將何為。帝曰。此桃甘美。欲種之。母笑曰。此桃三千年一生實。唯帝與母對坐。其從者皆不得進。時東方朔從殿南廂。朱鳥牖中窺母。母顧之。謂帝曰。此窺牖小兒。當其來盜吾此桃。帝乃大恠之。由此世人謂方朔神仙也。

君山有道。與吳包山潛通。上有美酒數斗。得飲者不死。漢武帝齋七日。遣男女數十人。至君山得酒。欲飲之。東方朔曰。臣識此酒。請視之。因一飲致盡。帝欲殺之。朔乃曰。殺朔若死。此為不驗。以其有驗。殺亦不死。乃赦之。曼倩滑稽

博物志卷之八

博物志卷之九

晉司空張華茂先撰

汝南周日用等註

雜說上

老子云。萬民皆付西王母。唯王聖人真人仙人道人之命。上屬九天君耳。

黃帝治天下。百年而死。民畏其神百年。以其數百年。故曰黃帝三百年。上古男三十而妻。女二十而嫁。曾子曰。弟子不學古知之矣。貧者不勝其憂。富者不勝其樂。

昔西夏仁而去兵。城郭不修。武士無位。唐伐之。西夏云。昔者玄邨賢鬼神道。廢人事。其謀臣不用。龜策是從。忠臣無祿。

在 用國

榆州氏之君孤而無使。由沃進伐之。以亡。

昔有巢氏。有臣而貴。任之專國。主斷已而奪之。臣怒而生變。

有巢以民昔者清陽疆力。昔美女不治國而亡。

昔有洛氏。宮室無常。園池廣大。人民困匱。商伐之。有洛以亡。

神仙傳曰。說上據辰尾為宿。歲星降為東方朔。傳說死後有

此宿東方生。無歲星。商高宗時傳說騎其尾而為列早。今天去

曾子曰。好我者知吾美矣。惡我者知吾惡矣。

思士不妻而感。思女不夫而孕。后稷生平巨跡。伊尹生乎空桑。

箕子居朝鮮。其後伐燕之朝鮮。士入海為鮮國師。兩妻異色。

珥兩青蛇。蓋為芒也。

巨跡身古傳
空幸貝呂皆

漢興多瑞應。至武帝之世。特甚。麟鳳數見。王莽時。郡國多稱

瑞應。歲歲相尋。皆由順時之欲。承旨求媚。多無實應。乃使

人猜疑。

子胥伐楚。燔其府庫。破其九龍之鍾。

著一千歲而三百莖。其本以老。故知吉凶。著未大於本為上

吉。莖必沐浴齋潔。食香。每日望浴。著必五浴之。浴龜亦然。

明夷曰。昔夏后莖乘飛龍而登于天。而牧占四華陶陶曰。

吉。昔夏啓莖徙九鼎。啓果徙之。

昔舜莖登天。為神牧占。有黃龍。神曰不吉。武王伐殷而牧占

著老。著老曰吉。桀莖伐唐而牧占。焚惑曰不吉。昔鮌莖注

洪水而牧占。大明曰不吉。有初無後。

著末大於本。為卜吉。次蒿。次荆。皆如是。龜著皆月望浴之。
水石之恠。為龍固象。木之恠。為躩。土之恠。為獐。羊火之
恠。為宋。無忌。上三句見魯傳孔子之言末句新

關戰死亡之趣。其人馬血積年。化為燐燐著地。及草木如露。
略不可見。行人或有觸者。著人體便有光。拂拭便分散。無
數愈甚。有細吃聲如炒豆。唯靜住良久乃滅。後其人忽忽
如失魂。經日乃差。今人梳頭梳著衣時。有隨梳解結有光
者。亦有吃聲。燐鬼大也細聲也小鷄鬼也

今豫汝州風穴山
有風洞風如雷
昔三日洞中如
隱雷

風山之首方高二百里。風穴如電。突深三十里。春風自此而
出也。何以知還風也。假令東風雲反從西來。洗洗而疾。此
不旋踵立西風矣。所以然者。諸風皆從上下。或薄於雲。雲

行疾下。雖有微風不能勝。上風來到反矣。

春秋書鼯鼠食郊牛。牛死鼠之類最小者。食物當時不覺痛。
世傳云亦食人項。肥厚皮處亦不覺。或名甘鼠。俗人諱此
所嚙衰病之徵。

鼠食巴豆三年重三十斤。

博物志卷之九

博物志卷之十

晉司空張華茂先撰

汝南周日用筆註

雜說下

婦人妊娠未滿三月著婚衣冠平日左衽并三匝映詳影而

去勿反顧勿令人知見必生男婦日用口知女則可依法

法定母年日月與受胎時
為男過偶則為女知為女後思可依法

婦人妊身不欲令見醜惡物異類鳥獸食肉避其異常味不

欲令見熊羆虎豹御及鳥射雉食牛心白大肉鯉魚頭

席不正不坐割不正不食聽誦詩書諷詠之音不聽淫聲

不視邪色以此產子必賢明端正壽考所謂父母胎教之

得清祀滋液則生仁聖故古
必慎所感感於善則善感於惡則惡矣。姪媛者不可啖肉。又不可見兒。今兒唇缺又不可啖生薑。令兒多指。

異說云。瞽叟夫婦凶頑而生舜。叔梁紇淫夫也。徵在失行也。加又野合而生仲尼焉。其在存胎教也。古謂氏曰夫甲及寅歲德在甲寅。千中生者則然矣。亦由先生也。亦由父母氣也。古者元氣清故多聖人。今者俗淫陰惡故無聖人也。

豫章郡衣冠人有數婦暴面于道。尋道爭分鉢以給其夫。輿馬木資及舉孝廉。更取富者。一切皆給先者。雖有數年之勤。婦子滿堂室。猶放黜以避後人。如此薄行。茂先痛心言。且若志中。以示天下後世。唯親其地。古不也。

諸遠方山郡幽僻處。出蜜蠅。人往往以桶取。後蜂每年一取。遠方諸山蜜蠅。處以木為器。中開小孔。以盛蠅。塗器內外。令

遍。春月蜂將生育時。捕取二三兩頭。著器中。蜂飛去。尋將伴來。經日漸益。遂持器歸。

人藉帶眠者。則夢蛇。烏御人之髮。夢飛。

王介張衡馬均。昔冒重霧。一人無恙。一人病。一人死。問其故。無恙人曰。我飲酒。病者人曰。死者空腹。

人以冷水。水自清。至膝可啣。啖數十枚。瓜清至腰。啖轉多。至頸可啖百餘枚。所漬水。比作瓜氣味。此事未試。人中酒不解。治之以湯。自漬即愈。沮亦作酒氣味也。

昔劉玄石於中山酒家。酤酒。酒家與千日酒。忘言其節度。歸至家。當醉而家人不知。以為死也。樽家計千日酒。

江西風俗。愚薄。晉時已然。今尤無。家母游。不。天性大抵為財。物拜至親。勿也。

王恭。廟。霜亦種。載。庫。中。要。決。曰。庭。瓦。如。庭。新。冷。堪。阻。時。換。少。飲。加。時。酒。草。喫。申。竹。飯。與。此。器。異。字。亦。卷。蓋。腹。實。則。康。不。得。若。宜。飲。朝。酒。不。服。不。宜。飲。朝。酒。不。服。不。宜。飲。朝。酒。不。服。不。

王恭。廟。霜亦種。載。庫。中。要。決。曰。庭。瓦。如。庭。新。冷。堪。阻。時。換。少。飲。加。時。酒。草。喫。申。竹。飯。與。此。器。異。字。亦。卷。蓋。腹。實。則。康。不。得。若。宜。飲。朝。酒。不。服。不。宜。飲。朝。酒。不。服。不。宜。飲。朝。酒。不。服。不。

此海上仙翁乘槎
了也至澤張騫
上有乘杏了乃
出斯林歲時祀
非了也

乃憶玄石前來酤酒醉而醒耳往視之云玄石亡來三年已葬於是開棺醉始醒俗云玄石飲酒一醉千日

舊說云天河與海通近世有人居海渚者年年八月有浮槎去來不失期人有奇志立飛閣於杳上多齋糧乘槎而去十餘日中猶觀星月日辰自後芒芒忽忽亦不覺晝夜去十餘日奄至一處有城聚狀屋舍甚嚴造望宮中多織婦見一丈夫牽牛渚次飲之牽牛人乃驚問曰何由至此此人具說來意并問此是何處答曰君還至蜀問君平則知之竟不上岸因還如期後至蜀問君平曰某年月日有客星犯牽牛宿討年白正是此人到天河時也人有山行陷溪澗者無出路飢餓欲死左右見臨流甚多朝

暮引頸向東方人因伏地學之遂不飢體殊輕便能登岸經數年後鍊身舉臂遂超出澗上即得還家顏如悅懌頗更黠慧勝故還食穀啖滋味百餘日中復本質可借

天門郡有幽山峻谷而其上人有從下經過者忽然踊出林表狀如飛仙遂絕迹年中如此其數遂名此處為仙谷有樂道好事者入此谷中洗沐以求飛仙往往得去有長意思人疑必以妖恠乃以大石自墜牽一犬入谷中大復飛去其人還告鄉里募數十人執杖攜山草伐木至山頂觀之遇見一物長數十丈其高隱人耳如鼓篋其格射刺殺之所吞人骨積此左右有成封蟠開口廣丈餘前後失人皆此蟠氣所噉上於是此地遂安穩無患

Large stylized Chinese characters, likely a title or seal, rendered in a light gray color. The characters are highly stylized and appear to be '國' (Country) and '圖' (Map/Book) or similar characters.

Vertical lines and markings on the right side of the page, possibly representing a binding or a list of contents. The lines are irregular and appear to be ink or a similar material.



Small handwritten mark or signature on the far right edge of the page.

